

養素堂文集

養素堂文集卷一

荅威張 澍介侯

賂

三十輻共一轂賂

以當其無有車之用爲韻

館課

道集虛而可貴工運巧而無方惟察車自輪始以利轉而用彰伊取直而取急乃相對而相當長則三尺有奇無槩斯固廣則三寸之半雖敝不匡任重而彊有餘順彼陰陽之矩材完而職不失象夫日月之行此輪人遵之以作則而柱史假之以參詳也原夫輻之直也以湊轂而輻之度也必循規浮水而平沈如一量乘而大小相宜綬向外以

筭減蚤入中而鱗差勿使曲邪望而掣爾要諸因稱弱則
竝其儻受柄不深定大抗而難固卽負幹無斂亦攢削而
莫支惟三十而壯哉盈有虛而消有息亦三十而立也危
能扶而顛能持輻旣分輕重之異轂斯定長短之殊施膠
施筋之中苴鑿深鑿淺之合符柄得牙而不慮槩有輳容
軸而何患輓無况稹理堅而疏理柔旣先摩炙大窵賢而
小窵軼弗謙泥塗又復去一以爲散混柞擎而不蔽開一
以受輻捎圍防而無齟運實於虛自無之有逞大巧於杳
冥泐圓神於樞紐非倨句之無閒焉菑度以可久惟不敗
於積中乃克充其孔斂如五音六律根本於黃鐘如七緯

八星環拱於辰斗如三十四卦之奇變從坎離以相生如
三百名川之齋淪赴江海而能受從觀其權衡是守操鑿
相於篆則輓整牙不齟齬山澤殊地侈弇異車可萬可規
謀人馬以胥得以幬以眼露廉隅以咸如或謂係良輶之
頤典或謂由伏轡之安舒或謂循崇輪之慎致或謂本端
錯之廣儲詎知制雖統乎鉅細而用莫妙於空虛蓋轂者
頡也體堅頡而難齟亦輻者輔也材廣博而輔渠用能納
成於虧以直指而無滯括動於靜遂變化而不居然而執
芻狗之見者難與鼓橐籥之合離也惑元牝之阿者難與
測谷神之津涯也蔽陶甄之器者不足示埏埴之轉移也

昧宮室之制者不足喻戶牖之設施也是以善閉不關衝而莫入善結無約解而莫歧假容轂其無所將員輻以安之從爾約軹飾玉炙輶流脂猶之棄輔而脫輶何能發軔以運輻則是得一以貞爲軒皇奚仲之所創始而抱一爲式又王良造父之所追隨也我

皇上黃屋非心彤車是用山塗句而祥流德結旌而景從所性分定而日爾興衛者道堪咸五而登三寬以有容而凜若朽索者治足紹基而承統微臣稽淮南之鴻寶知輻轂通於股肱而職不相干該周髀之算經知輻轂正以經緯而數於此綜仰

法天效地之德爰繼李尤以著銘樂同軌遵路之風敢引
神契而作頌

天以爲正周以爲春賤

以麋角解蘭根
出泉水動爲韻

館課

兩儀鴻洞歲序潛移
𠀤𠀤萬彙元黃以滋
軒帝者出鬪苞
授規法彼大圜圖呈
河麋靈菲叢其合晷
嶰仵龢於長離
非從提挈甲子搏掄
干支實爲章部元之
始終維繫子丑
寅之遲速參𠀤必以
朔旦正璇璣之本上
元開節候之宜
獨不稽夫日短至夜
半朔乎月起牽牛之
躔日陵狼駿之
岳斗回析木之津星
次乎楊之角行一次
而周天三辰迴
其冥邈邇太極於中
央仍合宿而不覺象
純良于連山乾

初九而算確鰈九寸之雕管應黃鐘而沈濁表八尺而高
標三十丈而景卓占巽維與子午太陰積而含元在握廣
漠風兮埃浮箕星朗兮清灑荔挺出兮菖蒲萼射干生兮
麋角解咸生機之棣通兮農夫曝南榮而舞罷此天之正
也周乃以之爲春焉馮相修職保章備官衡縣土炭階茁
崇蘭關梁飭閉材木禁棐驗葭灰于緹室召太史於臺端
奏夾鐘之六變舞雲門於郊壇肅朝儀而畢賀進八能以
洽歡寢兵鼓而不用斷刑罰以弭奸蓋觀象以敷政北斗
指兮闌干且夫中孚者卦氣之兆黃鐘者萬事之原荒宵
長而晝短斯貞下以起元萬象于茲而亭毒百昌于茲而

充蕃旣正終而正始實相代而相存以一時定三百旬之
有俶卽以七宿驗四十刻之不煩用能調泰鴻受藻華以
爲神明之根也若夫循蜚乞疏之時合雒攝提之曰草木
榮枯占候無失亦越大撓因時定律寶鼎飛來區輿告吉
遐哉渺乎自伊邠而上六闕逢其難述迄今讀正月上曰
月正元日之文知唐虞各平其秩也稽正月朔旦二月乙
丑之書知子姒各從其實也故以建寅爲歲首固人統之
氣舒而以建丑爲握先亦地統之理密顧或者疑之謂渡
河于癸巳何一月之遲延誣文王爲受命時則十有三年
遂令鑿氷之一日過沍寒而序愆詎知豳風之歌謠尙小

正之流傳從膠執于履長昧氣鍾於黃泉夫歲在鶉火月在天駟星在天黿在當年旣昭赤烏白魚之瑞而履端于始舉正于中歸餘於終至今日猶是殷鼎升辰之躔也今國家道兼三五治洽元始五緯汁文七曜順軌製妙玉衡數精周髀庶星昭明卿月變理元圭告天陋彼進履八荒奉朔于交閏繫九塗其若水乃伯頌曰穆穆我

皇德暉順動蒼畧外宣朝維內總時則行夏圖則演孔曰
暄風噓萬物併懷肸鬻霸星田峻是董匪直也人朱艸萃
萃登臺春熙三素雲滃

祈穀禮成賦

以天子乃以元日
祈穀于上帝爲韻

館課

皇帝撫寓之六載鴻庥普汜協氣曼延時調玉燭德曜珠
編由庚暢物熟酉占年崑崙之黍穎合北里之禾岐連粟
滿

神倉一畝三鍾之地星明農丈五風十雨之天固已羅圖
轅夫上瑞玉粒產自良田矣而

一人猶密勿深維庶然永揆藏道如龍愛民如子六府孔
修八政咸理儀備乎三陔制高乎五時用仰冀蒼旻之假
我肸蠁而錫蒸黎以繁祉維時紫宙春回青陽歲改太族
鐘調盛德木在土脈動而起膏農祥正而絢采鵬扈拂羽
以趣耕兮西疇庠錢鏹而相待

天子爰詔禮官曰時在上辛有事真宰蠲吉脩儀予其嘉
乃太史於是條頌祇之書獻祭天之紀遂駕蚪輿舉玉趾
屏翳清塵飛廉騰軌鷺序振振龍旂耳耳蓋翼流黃幄珠
迸紫象衛殷麟兮東西列虎賁駢羅兮左右以建表蕤兮
上千循夷庚兮平砥田燭之焜曜星河樵蒸之燁煬曉市
海迴天聲霆奔電駛萬靈縹訛以頌麟兮遂止

泰壇而脩禋祀

帝乃展璫案出旌門大裘襲畫黻存珠旒肅玉珽援煌煌
扈扈穆穆渾渾

躬致孝享用祈鴻恩對天宗以申敬配后稷以調元藉以

藁秸灌以陶尊白茅茜酌蒼璧陳軒旆之牲膋潔明水
之盟泔溫漚鬱兮蕭脂炳焱悠兮燎柴燔時則三素舒雲
雙環抱日畱俞煩光猷函叶律富媪蕃釐神坐鵠吉放悲
皋搖昭格泰一羣祇暗謁而偕來九賓駿奔而罔失
翠輦返乎

齋宮祈率之禮斯畢方其精禋未合皇邸未祈則欽柴未
升於元漠普淖未達於靈威無由知康率之迄用而庶氓
之獲依今則我鐘欽欽我帛幅幅我有葶醴可薦神明我
有馨香無慚史祝興嗣歲而

居歆歌思文而率育早卜其今茲美禾高廩儲穀矣別有

靈星之祭龍見之雩秋饗之典祀冬臘之報腴咸由

天子不忘乎播厥故小民自樂其薦于是以桓陛有常處
薪樵有常須犧牢匏饌雖備而財不匱車輿臣役胥飾而
事不濡澄心揆述而遠人說服旭卉對越而神祇奔趨所
由異於甘泉竹宮之禱而得正月上日之符也臣司珥筆
爰佀頌曰於鑠我

皇大觀在上克儉克勤民莫

咨訪春日載陽惠風和暢爲民祈命圭潔鬱鬯自今有歲
受天嘉貺又頌曰惟

聖時憲行慶施惠說以先民萬民以濟平秩東佀五穀樹

兢兢勤數萬十千取歲壤安轍童樂太平世是謂

聖人爲能變

帝

偃伯靈臺賸

以功成奏凱民說無疆爲韻

館課

聖天子威棱抗迅荏德昭融龍韜著畧鷗冠圖功翦楔窳而梏貳負殄蚩尤而殲共工聶耳鑿齒吠夷鬼戎莫不陸讐水慄奔忝來同勒石銘勲紀底龜者不日鳴饒桐曲頌德教之如風爰有師伯用以行征繼旆曰旆注旌曰旌旗則鎡革旂則央鈴飄揚狎獵璀璨晦明自沙蟲之鬪力乃組練而訓兵慘澹則天王之旗閃招搖則司馬之纛擎荒

不肆夫撻伐卜苞襲之無成露布傳來日月銷赤烏之色
霜刀指處風雷靜蒼兕之聲非徒鶴鷺列張而旋風作隊
陵澤左右而偃月疏營也則見靈臺者高嶽嶽以上千廣
宏敞而延袤棟喬竦而鳳翔臺修長以虹靚曲檻承欒叢
楹接岫四方綺分百尋雲構同魚躍之靈池擬鹿伏之靈
囿于焉脫劍萃三千兮虎賁在此圖形炳廿八之星宿夫
兵不可黷故載橐弓矢載戢干戈而苙則有經亦曰有先
後曰有奔忝惟時梟懷桑樾螢澆滄海旬始隕光飊輪遵
軌言鳥告歡牙獸啓頤青犢之寇膏鋒刃頭之眾束髮伏
莽寢其謀剗皮輸其臯熊耳積甲將匱表銅柱而歸來天

山挂弓壯士入玉關而健在于是雍狐改鑄控鶴回輪銅
鐃寂響兜鍪生塵九嬰翦孽五律成珍何事聚米覽山川
之勢列埃畱守戍之人而功收一怒千舞三旬蓋猶是成
湯之二十七征志惟靖難軒帝之五十七戰義在拯民也
想其始則陸梁繼而覆轍人罹洪荼天用勦絕遂乃鳥隼
參雲芙蓉淬雪築石之士脇飛穿楊之帥背裂奪胄之旅
鴈揚摩壘之夫蛇結鼓角潛鳴門關爭挾一戰而亭障塵
空再克而梟徒斃血壺漿來迎士女大悅無異駿駟之載
鴻毛洪爐之鎔寸鐵也而今則國咸游化民亦樂蘇

老功載續

文德誕敷凡拘纓晚璽之俗不耐無雷之區航海梯山仰
雲呂兮衍衍鬢首魑髻受羈縻兮喁喁與夫靈光之豆息
慎之簪扶桑于蘭之玉合浦光澤之珠乘黃茲白游于廐
紈牛露犬馴于虞畏軒轅而卻射仰

明堂而誠輸是一將登壇威旣宣于九有而三軍脫劍德
又協于三無矣然而

軒宮密勿黼座幾康謂

余一人亦惟是除途渠之煽惑救黔首之夷狄登重安于
仁壽之域返風俗于懷葛之鄉以仁義爲干櫓以忠信爲
餽糧則膏從之眾罔治維新之念是臧而玉石俱焚有所

不忍鯨鯢胷戮尤所深傷也豈徒赫斯怒而戰則克營其民而菑惟揚哉小臣珥筆爰作頌曰

聖皇茂德被遐荒兮士卒薨藻吉語揚兮旬始戢影墮天狼兮羽旌獵獵倒載藏兮卻馬糞田保介怙兮藉苗櫛髮利孔畏兮春臺化熙業無疆兮

大禮與天地同節

賸以四海之內合敬同愛爲韻

辛酉散館題

洪惟我

皇之御寓也邇治登三文命敷四握符闡珍本仁祖義德於穆以參天功廣淵而兩地道中庸以通物情辨上下以定民志主平主正

聖天子禮以持躬不數不疏大宗伯禮以將事原夫天受
藻粦是爲真宰虛鄴鴻儀高臨鏡海沛雨露之恩多赫咍
懔之德在靈威招拒四時各執其權衡句芒蓐收五帝不
殊其亮采儻有序而不紊自居歆之無悔斯秩敘必稱天
以名而朔時亦奉天兩政若乃厚德載物地道無私鍾收
五沃禾美雙歧泉涌甘而醴滴車成器以鉤罍覩品物之
亭毒知富媪之蕃蘆東南經西北緯漫云坐而致也河海
濶山嶽靈竊謂禮亦宜之卽禮之大防驗節之無背默契
幽明合符覆載五六合中文質疏內丕兩大之功爲兩閒
之塞本一理爲咸通繼三才而作配更老仰象于星辰馮

蟠切齏於海岱鐘聲陔節合元模於九鴻龜錄魚書效靈
祺於大塊所由

園三

方澤酌古今而彌詳蒼壁黃琮協方位而有在也爾其精
義潛孚盛儀周匝被龍袞之霞莊驂鸞輿之駛馭建鳳蓋
之瓏璫鏗鯨鐘之鞀鞳欽紫燎燔皇邸獻納制嬖乎清寧
誠通乎祈畀于以誦昊天成命之詩而知祀典之必有合
也由是天湛醲膏地呈榮鏡五臚文宣九塗塵淨茅屋規
步以繩趨遐陬德蹈而仁詠何大禮之修明仰
皇心之克敬不聞愛道愛寶契有援神早知分陰分陽論

堪證聖彼夫配靈星以后稷報大儺以振童臚辜申其肅
穆縣疫致其實衷宗有禋而羣有望布以星而牒以風要
皆典禮之所寓以見節秩之大同我

皇上身度光昭禮羅用乂慶縣萬年勲高百代洵

帝德之難名敢述頌以揚對其詞曰惟天鴻洞萬彙盆戴
惟地輒塊萬國負耒惟

聖時憲體元茂對麟鼓鼉臣於理斯昧禮契真源六合同
愛珥筆贊揚乃言采采

經經緯史賾

以東壁圖書西
園翰墨爲韻

教習題

粵自天極拱北地維峙東義圖出洛軒鏡臨宮書契漸闢

結繩以通沮倉肇緒姬孔折衷普天之下如日方中侈錦
文與緹帙誇綠笥與丹簡罔不酌今宜古發瞶起聵賁經
綸之大業宏締繡之元功煌煌六經出於孔壁聖訓昭垂
嘉謨啓迪易法而奇書辨而析風詩之比興遙遙春秋之
褒誅歷歷周官三百目而詳明儀禮十七篇無糾剔各爾
精微胥拯沈溺鄭王賈孔之箋註精確不桀周邵程朱之
表章源流歸濶咸張目而舉綱自合繩而準的若夫史籀
石鼓孔甲盤盂體斯古矣文在茲乎司馬遷行氣奇崛班
孟堅措詞典腴范書則思精體大陳志則旨高法俱李延
壽之南北與姚察違異歐陽修之五代與薛氏縣殊脫脫

腐庸未免於冗濫宋濂草率亦惜其繁蕪惟涑水通鑑有
倫有要暨紫陽綱目不苛不誣上以繼麟經之直筆下則
邁蠶室之弘圖倘從繡工槃悅編校魯魚眾論糾紛而莫
定予懷杼軸其何舒雖家藏壁中之古篆案列瓠裏之奇
書不過鬪鄴侯之千軸矜惠子之五車何能殫見洽聞採
縹囊於天祿信今傳後緡緡帙於石渠必其經經也疏通
章句尋索端倪支分派別元鉤要提採齊魯毛韓之傳注
關梁止施孟之町畦攷今古文之互異覽大小戴之不齊
鍼三傳則膏肓大愈補六官則殘缺可稽故能精則入神
仰聲名於北斗多能爲富稱夫子於關西其緯史也珥筆

金匱之室游思竹素之園將旁搜而遠紹必因委以尋源
文而有理博而不繁紀傳倣尚書爲體編年以春秋爲根
劉幾之三長臣述袁氏之五難宜存鑿齒之分統得序崔
鴻之敘國合原斯條理始終可埜型於來禩亦錯綜參伍
爲不朽之名言然而學戒迂疏識求通貫倘執一以相詆
必紛紜而乖畔好史者輕語董南溟經者妄詆秦漢雖網
羅乎舊聞猶治絲而棼亂將尋緒以渺茫詎飛文以染翰
惟援經斷史而大義條分斯引史證經而微言錦燦固已
熟掌故而著譽蘭臺難諸儒而蜚聲虎觀由是學海騰波
書田獲殖六籍綱維百家裁織爲組爲纂合而成文一縱

一橫論者喙息於以補敝

休明羽儀

王國縑紉流冊府之光制伯煥

天章之色以大春之紛綸奏功以吳競之糾繆稱職則何
羨杜林外氏並富文章謝朗諸家皆親儒墨也哉

冬嶺秀孤松賦

繫支離之老交挺兀傲之奇容荒有心而勁亮亦本性之
葱龍鐵衣生澀麈尾蒙茸蓋青蔭鵠鱗紫蟠龍上喬下喬
之節三鬣五鬣之蹤莫不精凝拒格狀逗蓬鬆柯貞齊夏
氣壓款冬撼半天之風雨壯歲莫而靈鍾然當桐豫物等

吁荼晝永人柳舒姿女桑媚景亦復修幹叟陰樛枝擢穎
因涼颼而睖聲當皓魄而畱影嵩嶽忝青牛之精塾人牽
白犬之綬儼與夫張公玉梨平仲銀杏鳴得意於嫣紅之
天覓知音於嫩綠之嶺旣至重霧圍岡繁雲被岫異二駕
乎飈輪葛三舞其霰襲槐檀之火不然榆柳之煙難艤雖
復竹箭筠貞梅花骨瘦亦且隨紺靄而常枯委碧巖而不
茂乃獨肅肅巖裝森森結構造溼抽榮陵霜拔秀魚甲津
滋蛇皮理皺飛節兮生芝聚脂兮瀉潤紋印兮康干根堅
兮石鬣可知處士神清大夫眉壽薦蘿之所不得施兔絲
之所不能就也第見凝脂攢翠威喜敷腴枝挈雲而蚪出

聃負雪而鶴呼野狖攀來悵孱顏以路斷明蟾落去歎髣
友之形孤干釵之葉殊計柏十里之香勝沈榆蕭蕭然神
王一丘儕扶提於彌壑謾謾者勢陵千仞等靈壽於廣都
失大地之培塿倂後彫之楷模又何論芳圃獨活之藥龍
門半生之梧小山畱人之桂江東如虎之楔於是著苾履
扶竹筇循崔嵬之巘陟崩之峯樵崖陰積蘚壁寒封龜
言此地鶴語相逢履屐石與磬石披霜淞與霧松櫛參兮
似有舄桷寂寞兮渺無人蹤鳬飛葉密獬起花濃琴奏雷
威泣空山之木密襟披引景雜永夜之邨春翠色欲飛嵐
凝螺黛寒澗遙落響和霜鐘是則奉宸橋邊見寶光之躍

劍夕陽影裏認堂密之美縱有不欲譚禪爲柄豎議折松
者哉若夫無葉倚驕不花古度無患佳櫨如何寶樹招搖
之木祛迷帝休之枝蠲怒雖復香能返魂實可愈痼要皆
怪牒誕言伊誰覲遇未若此輪囷大節不肯生於影娥闌
阿殊姿殆將過於平露偃蹇水霜之中襲芊林壑之趣似
君子之雅懷如幽人之閒步公眞十八入蝶夢方在南榮
徙有三千過靈巖依然東顧如某者有志學山無能敏樹
敢翫餘歲散諷功虧一簣之書倘侍
宸楓願上日暝萬幸之賤

續恨賸

有序

余讀江文通恨賄竊以爲秦政虐民幸保首領趙遷信譖
致亾封邦李陵降虜積其家聲王嬙恹金孤乃豔色馮衍
見抑由于虛名稽康受誅招自傲德孽匪天降不足致恨
甄綜往事極其慘傷爲賄續恨以示來茲

亾忽古今糾總倫類黃土旣搏朱顏靡寄何王恐披昌權
奸恣肆而忠臣孤兒放逐淪棄貞婦誼朋蕉萃乖異得不
面壁問天拔劍所地瑱瑱乎搔首搥膺槭槭乎痛心酸鼻
試觀三閭大夫竭智盡忠椒蘭巧譖屬草無功遷謫荒裔
離騷苦衷啾啾夜狄湛湛江楓冤煩春草悲遡回風吟澤
容槁懷沙命終空乘白駿之騎從饗朱絲之纓亦有避讎

伍胥委質吳闕深奧，
策破楚覆，越伯駘不良，
積毀銷骨。湛盧馳光，
屬饑受罰。吾力太康，
悲歌激越。抉目高懸，
鵠有沈沒。起夜半之怒，
潮看吳宮之秋。歇至若尹氏，
伯奇遭逢。繼母旤，
起撥蜂履霜野。采掇花以樂，
飢歌乘離而疾首。藥賜仙靈，
夢養親。魂化鳥而鳴桑，
聞哀音以舢扣。亦有申生至孝，
乃選驪姬。嗟來夜半謀，
基優施命伐皋落羣臣。猜疑衣偏躬，
遠金寒玦。離置胎毒，
兮何辯傷公心兮不爲。向狐突以攄臆，
遂新城以縣尸。靈來有語，
請帝徙悲。若乃商陵牧子，
妻也無息。親欲飴孫，
媒來譽弋。鴛枕改爲錦衾，
別織倚楹柱而銜哀。聞鶴聲以愴惻，
將隔天端。難乘比翼。

石莫望夫津何照色忽雲雨兮山川俄夢魂兮寢食復有
廬江小吏仲卿之妻不得姑意遣之返閨忍情割愛頓足
叩題無言拈帶落日沈西非生別兮鏡裏月將死離兮井
中泥何欺魄之雙逝聲五更以淒迷况乃子卿河梁攜手
遠別膠厲鴻音嚴寒窖雪歎朝露之易晞視浮雲之垂沒
回首龍沙傷心灤月酒自盈觴歌仍卷舌衢路屏營參辰
隔越拊觥弓兮在戢愴弱子之嘸血及夫張敏高惠金石
交情不復相見何能爲生關河繇巨豺虎縱橫當餐廢箸
對酒棄觥昔推襟而送抱兮今怨鵠而嘸鸞青霞失色丹
鶴違盟徙相尋于夢裏迨半途而淚傾此人皆憂羈黃壚

愁寄中天中夏飛雪方秋墮煙哀纏枯木憤瀉沆泉但值
月苦霜寒風淒日莫鵲唳蛩吟礎敲筵吐莫不循毛髮而
增悲瀝肝腸而自訴豈非生民之至窮奇數之不遇者乎

天山賸

蒲類之東柳中之北有天山焉并包乎鹽澤蔥嶺控扼乎
張掖酒泉高陵乎涿耶稽落平眎乎沐樓燕然荒稱名曰
羅漫又標氏曰祁連爲匈奴之牧苑實五郡之藪淵觀其
迤邐千里崩劣萬尋倚天作障負白成林崑侖伯仲積石
腹心霞紅兮潛藏鉞銑氣紫兮稽瀘璆琳軒皇駐鑾受神
丹與金液帝江鼓翼無面目而知音得道之堪坏散晦賣

屨之嘯父登臨五月飛花遊子廩桌三箭殫敵壯士長噓
胡兒拜而下馬匈奴失而霑襟冬溫夏涼屢變氣候水美
草茂一往幽深爾乃滋生怪誕發育恢豐羽呼命共喙跽
力同八蜡齧鐵骨吒噉銅駝蹠咽火頻伽招風畢方如鶴
而獨足欽鵠化鶚而避弓食麥則齋師如甕治眯則善芳
濯翁抵玉之烏雛乳子披練之鷗鷯翔空兮鵠來自層城
婆娑舞樹青鳥返于卑羽薜蘿棲叢又有角觝人言黿蛭
狐虯百歲扶藹千里腰褭歷託距虛鈴挂林杪骨蝕掉尾
以獠獠符拔張鱗而矯矯狷獯燒刺而不傷禪廝悲鳴而
自了善笑嬾嬾而多姿能直牴牾忠而臣表莫不傍大

壑以奔馳隨流泉以馴擾況乎參雲紅柳流律鶉桐密生
半刺酒捫馬潼仙果藏懷而不見酪酥瀉葉而能融五味
之香辟瘴射干之草醫癰天仙之椒回翔頰爾如何之棗
剖謝鳴鴻而且晶鹽玉白石腦焰紅松身柏葉夏草冬蟲
剛鑽如金因雕而出穴臍脾熱血續骨而棄筇至若木禾
千尋戎王萬里佗輶比閭宜男梓苡虺吹毒以害駒蜴吐
雹而銜水喧鳥語之青蠅委象形之赤蟻石乳不雨而亦
滴月井填沙而常泚誠汎國之洞天亦且彌之都市嘗欲
窮其勝造其椒攀櫛枝而盼遠踞馬埒而望遼觀黑流而
趾染指弱水以毛漂嘗新陶之旨味迎瀚海之秋潮菰水

汪洋滙西南湯谷之勢匈奴湍激踣二百餘里之橋凡奄
蔡黎軒烏秭潘兜之城郭與夫尉頭溫宿龜茲姑墨之庭
朝均螺列于層睫儼星拱夫斗杓恨壯遊之未果嗟夙志
之難銷想夫高密敘苗而後濫老啓疆之季非唯斷于左
臂實乃裂乎右肩遣絕幕之驃騎爰極老于居延獲休屠
之金像狀高冢于山巔及貳師之遠畧又奮擊乎右賢乘
交暑而鏖戰拔佩刀以飛泉迫竇耿之出塞殲谷蠡而陷
堅振威棱于老上降倔彊之裘旃厥後高昌不靖李唐徂
征蓋嘉邇之畫地姜行本之移營頽利解辦而入侍鐵勒
劖面以抒誠黃花之古戍無警白龍之舊壘悉平固已洗

兵婆昔之浪縹馬夫人之城弓挂樹而月滿煙息櫟而塵清我

國家版開白阜蘿奠黃圖嶰取溝竹管吹塞蘆玉英貢于鍾峯蒲稍騰自余吾得河源于星宿集仙鳳于答蘇凡勃鞞和渠之海頭痛身熱之塗罔不歸我象譯震我狼弧方欲爲樵于雪窟戢影于冰區拾蛆蓮而作飯招央林以爲從不羨萬里封侯效班超之投筆自可五岳蠟屐學李克之負圖

愁霖賸

余初抵貴州靡日不雨情懷屑屑作愁霖賸

蘇利迴驂焦明舞翅溜勒雲
垂子流霧織苦雨連旬陽鳥
引避人不堪憂天何徑醉中
庭艦渡炊竈煙埋昔耶綠壁
勝遇鳴階百廬泥滑千井蠅
排門無繫馬戶絕吟鞋茹歎
獨臥散漫傷懷若夫關山渺
亘久理征鞭雞聲店裏人影
橋邊驚飄震蕩怪鳥盤驚衣
沾骨冷髮沐涕縣沈陰斷地
積水連天長塗躑躅故國茫
然別有儒生旅舍詞客郵亭
短垣傾圯敗瓦飄零囊無長
物案有餘螢檢書泣鶴讀曲
淋鈴草元寂寂梧坐冥冥裏
糧無友飽德自馨他如金張
貴戚池館幽深瑤階錦障犀
簾雪衾烹鮮漱玉酒海肉林
麗姝夜擁駿足朝駸徙知耽
毒那戒奢淫憂葵漆女孰諒

苦心于時石決花歸林於葉結澗浴青猗浪浮赤鼈鳩婦

不來桐魚宜徵后土難乾號屏尚泄假蓋誰憐墊巾可折

三日佳晴

黔諺云天無三日晴

云胡不悅爲之歎曰銅鼓山巔劣壤

蓬水漩環八番秧苗爛六額蠟裳黧牛肩拭泥血龜鼻解

銅環宋聃從此去爲我洗愁顏借得穆滿簫吹澈此荒蠻

鄭康成婢媵

以胡爲乎泥中爲韻

昔鄭司農不其景戡緯候情娛著六菽之奧論苞兩瀝之

鴻儒教也無分貴賤誨之不別賢愚袁紹筵前太守肯稱

弟子馬融帳下中郎偕佗門徒若教邵公畏神廢疾當蹶

然而起儻令文姬受業悲笳不拍奏于胡則有婢焉勤乃

鸞茗善于說詩聽紫翽之間義聆孫皓之質疑柳依依而
句堪欣賞桃夭夭而年正歲蕤朞堂書多去盍而籤排甲
乙舉比日暖拂塵而杖曳逶迤性尚驕憨漫謂夫人可學
賒誠篆刻豈知壯夫不爲何圖故違意旨不奉喚呼予以
鞭笞詎有傷于忠厚委諸草莽正難免于擲揄水面風來
嗟卷髮其如蠶雲頭雨至訝舄履之非鳧招來賓戲客嘲
竟貽後悔律以奴券僮約庶無大辜非主婦之眼丁可情
遣也見同儕而顏甲將目逃乎斯時也乞聲漸輒唉語初
低拈花微笑掠髻含悽與子同歸或餘怒之未息赦彼有
罪庶見賢而思齊永朝夕而朝飢何其久也雜詼諧以善

謔不爲虐兮我亦憐卿肯鳴小子之鼓君當恕我毋沾裊
叔之泥詎料黃巾暴肆赤兌邇終妾誠命薄君亦途窮逼
之從軍百杯仍覺溫克菴而好學七經藉以疏通夫習誦
尚書有伏生之少女擘精左傳見劉氏之芳容則是婢也
勞雖役役儀自僮僮不媿精廬之士宛然林下之風幸沐
化雨于先生敢辭滑滑爲徵多露之舊句未覺空空豈知
夢兆龍蛇定痛斯文之不作儻使談圍布障翻疑有美之
在中

前題

鄭康成包羅眾籍囊括羣儒絳帳雖勞于僕僕青齊敢戲

以夫夫友朋則甄然臨顧弟子則汜閤炅模通德門高式
閭深桑梓之敬益恩書在享年躋壽考之胡乃有婢也勤
能服事雅解風詩箋毛而琴邊奉所簪誼而簾外洗卮十
五國貞淫聽常掖耳三百篇比興閭亦支頤主人經神舉
止自恨其羞澀君子愠色左右竟任其參差呼之來前俾
長跪而勿起爽然自失徙彊項以奚爲于是釋巾櫛離竈
觚命小同以牽掣嚮上坐而嘔嚅撩亂雲鬢豈無膏沐卷
舒翠輿誰爲曳婁值久雨兮潏醖積水宛在見中唐兮潏
淖失履何誅白眼相看慚赤腳以瞞跚青苔如許恐夕夜
之模糊拈帶無言于此時已久矣持杖未叩得毋罪乃薄

乎則有蓬頭伴侶歷齒僮奴目笑而出肩摩以擠日莫天
寒倚修竹而潛引炊遲薪溼藏乾糲以暗齋念昔日之杵
甌勞亦微有惱鄰家之鷺鳴呼乃似奚豈無他人來緩頰
而求免彼其之子竟反脣而相稽並無縷非之讒翻歌草
草儻來牛羊之踐定賒泥泥蓋其風流蘊藉吐屬明通曾
窺帛妙之緒不讓根牟之聰侍有愆而閉之門虬堂闕寂
體不勤而褫厥服帶草蒙茸彼洞簫聲高侍妾長吟于豔
部靈光賒麗嬌娥密詠于宮中曷若此之吐商含徵挖雅
揚風懲大夫之不類鄙工師之爲矇宜侍談于研北笑觸
字于牆東豈必如雲三家宜圖其慧貌卽使不櫛百代應

婉于終童

養素堂文集卷二

崔威張 澍介族

賤二

遠游賤

天瑋牖而有象地巨軸而無垠占輶期以速駕窮萬里之
廣輪妻兒辭于竈突感爰祖于城闕搥酒杯而遽別起前
路之征塵曉霜兮略約夜雨兮鄧亭調饑兮澆漸飢勸兮
微瞋愁割山而煙碧悲填壑而草青況波路之舛闕復擊
汰以揚舲石齒齒兮驚瀨魚鱗鱗兮吐腥故鄉漸遠束帶
遂寬頻移歲月竟敝衣冠望林邑之翠鳥憶舊晚之香蘭

養素堂文集

卷二

雲作態而團團月銜圭而團團何盛盛以靡騁詎中道而
回驂羨疾輪之迅速恥駒促之嬰媼聞鷗雞兮夜起將斷
鼃兮幽探猗四方兮有志縣弧矢而爲男羌東游兮勞山
鞭石橋兮石頑波跳魚兮盈丈蒲縈馬兮爲環尋安期而
不見拾組綸于海閒旋南游兮龍城梅影瘦兮月參橫駭
斜珠之弦斷聞佗墓之鼃鳴偉馬援之銅柱虜徵側而悉
平遂西游兮流沙聽烏孫之琵琶齊頭大而成甕狐尾長
而入瓜拜王母兮爭圍露善嘯之虎可愛北游兮巫閭珣
琅玕兮盈車岳陽讀玉棺之志營潞眎神劍之書悲霍原
之高隱竟豆田兮丘墟游之地兮誠邈游之興兮益適察

風俗之醕駁眎人情之剛柔知山川之險易察政事之廢
脩紀英賢之懿美編里巷之謠謳時復葭渚觀鷗江亭數
雁書字磨崖品泉履澗弋鳥兮音如磬獵獸兮狀爲羶莫
不供詩草而入囊侑酒香而雄盼是則利鑠名韁色阱慾
網實伐性之斧斤非養情之膳鯨惟交步于紆誕乃垢瑕
之滌盪彼鮑照之賤行路抑又何難向平之畢嫁婿于焉
不爽已

釋情賤

何余情之不懌兮時蹇產而煩憎心匪石而匪席兮腸置
炭而置冰豈名釣而利獵兮亦慾壑而忿懲循種種之菰

髮兮悲營營之樊蠅將側身于天地兮又幻夢之曹騰昔
皋陶之爲漁兮脫羝裘而大理伊摯之躬耕兮負鼎俎于
商履呂望賣漿而鼓刀兮逢後車于滋水閔天結網而羅
罟兮授大政于瞬晷誠才德之軼倫兮亦時會之無否豈
不仰古而希蹤兮何事效今之舐痔不見荀況之學堅兮
令蘭陵以終老莊周之文奇兮吏漆園而枯槁史起治漳
水而溉田兮未聞離鄴縣而師保闕于鑄銅柱而疆兵兮
未聞去晉陽而上考雖拊馬而蠲菑兮咸末寮以懷寶既
賢詰之沈淪兮爰韜真以味道豈無曲鉤之爲公兮不以
易吾守也豈無入貲之爲郎兮不足爲吾耦也探三易之

精微兮夢吞爰而陳桃在後尋四詩之源流兮續等乘而束皙爲友鄙賣餅于公羊兮昭大官之肴酒擘司農之周官兮塞子駿之戶牖亦足繫志而寤懷兮何慮決踵而見肘信古人之可師兮詎世榮之足誘爲之系曰翟烏兮何哭張衡兮何愁功名兮電火禮義兮橘櫟遐心兮空谷定性兮大湫突梯兮谿盜爭食兮溝猶徒喪兮素履莫葆兮芳脩曷若著書兮連什珥以消日兮縣疣

懷鄉賦

繫我西方之人兮幼鴻網於行李齒既豁而髮宣兮尙栖栖而未已遭雪虐與風襲兮顛某峙而眇纍詎銅綬之可

繁兮世忌芳而妬美睇故鄉而唏噓兮賤劉歆之遂初龍
城蜿蜒兮鹿塞險阻鴻谷嶽嵒兮鳳臺周陟條茂爾兮崔
巍蘇荏澤兮沮洳摩大雲之碑兮可以拓墨泛靈淵之艇
兮可以釣魚況烏翅兮甘脆又白柰兮清虛倘朝咀以夕
嚼亦意悅而神舒矧然明之記難灰滅陰灝之瓊林蝨吞
文和注六韜誰爲收輯君虞賤樂府孰與細論旣耆舊之
淪落亦縹緲之焚瘁尋庚識與甲厯想趙畋與郭磨倘假
我以暇日或什一之能存何爲弛金柅而不息滑吾性而
撓靈將釋微而誓墓好被襖以躬耕偕風友而雨子呼橘
弟與槐兄指翔鴻以最景規潛介以敬精擘神經之錯緯

學魚字與鳥鳴窮陰陽之無朕測律呂之相生庶補當年
之曠廢聊祛此日之矇眊不見夫林邑之皓羽兮終同翫
而翔南胡馬之悲鳴兮依北風以趨趯獨何心以萍汎兮
失故國之松庵爲袁翻之訕笑兮招周燮之恥談謀乃心
而投龜兮奚必班草而問鄭重曰予之郡也西涼予之縣
也姑臧予之游也窮山陬與水鄉予之仕也歷黔益與豫
章無顏氏之負郭乏宰予之朽墻徒蓄書兮千卷勤校讐
以丹黃以此貽子孫兮勝陸氏之荒莊嗚呼乾坤甚廣兮
日月未忙吾生况瘁兮吾文其昌

磁磬賦

秋月兮晶明秋風兮淒清秋蟲兮畢栗秋葉兮縱橫何哀
音之激楚識比舍之嵒聲時則關榆星黃塞草沙白瘦日
熊埃頑雲巫圍戍斲征人鄴遲過客望寒衣而踟躕動少
婦之悱惻遂乃啓篋箱理裯帔溫水瀨暝陽曬褰熨斗以
何爲擲剪刀而不事攀羅衷兮猶揚舉玉杵兮釵墜乍重
擊兮霑汗復輕擣兮掩淚高樓雁叫短堞雞鳴炊煙黯澹
鐙影離迷霜壓蓬首露溼香靨聊聳肩以少憩旋掠鬢以
微攏何三年之不返歔萬里之離思欲緘封以寄遠恐肱
篋以滋疑怨蚪壺之短箭嗟瓜代之遙期則有女郎祠前
姊歸岸上夜冷烏驚蘆枯鷺傷四壁吟蛩幾家空帳鄰遠

聞舒天高韻亮何游子之不歸恨廩寒而無續亂曰鶯蘭
兮燕閭馬邑兮龍堆路八千兮迢遞年三五兮衰瘵將弔
令嚴兮霜櫟壯士衣冷兮鐵胎何處聞虓兮不涕隕何人
聞虓兮不顏摧

旅懷賸

空階兮蘚滿閒院兮梧凋沈思兮帶約望遠兮塗遙亂書
蝨蝕破竈煙消門無車轍戶有蟪蛄伴光陰於逆旅情瑣
瑣以無慘若夫燕乳春來蜩鳴夏至涼秋露藟嚴冬霜墜
驚日月之奔丸感乾坤之劇戲齒髮脫搖衣裳垢膩遂入
耳而生哀酒霑脣而卽醉時或看花散賞臨水愉情圖繙

玉版碁轡楸枰彊人說虎招客飛蝗餌投池鯉經授隴鸚
爲簫作謚與鼎集評亦復憂來結審淚下縱橫隔護堂兮
千里離驥子兮三年妻病斟兮蓬首友瑟居兮采箋風亭
落葉月榭冑煙熾寒響疾漏短聲絲鳥嘯驚夢蛩語聳肩
寶劄勞而倚徙覺塊獨以遷延於是易慮審時澄心觀物
顏氏貧天東閭貴乞儀秦舌騰雄非口吃弦匱填牢鉤曲
榮敬繁甌福之何常信菀枯之靡迄惟任運以無營庶脩
名之不黜從知道貴龍潛心由谷受墮以隆隆摧因萃萃
蘭薰而焚龜靈而燁翠因羽殃蚌以珠剖陋鉅辱之費金
師摩堅之守口禮是亢鋸學爲敝帚聊看鏡以倚樓忘捉

襟而見肘又何怪乎。都之桃致譏於東門之柳，重曰：百年歲月兮去如梭，金石不隨兮東流。波投杼拾煤兮尋常事，吮癰舐痔兮亦何多。著書暫遣兮他鄉，日鬼炊銅腐兮說未訛。

孤蓬嗟

天荒地老日瘦霜豐，妖狐拜月怪鴟呼風。樹蕭條而綠失，草萎落而青空警廩。寒之秋氣見彼茁之孤蓬，夫其托根不同，密葉徒拋無蕪葭之可倚。孰橘柚之爲包，罄問不賓于明主，饑餓僅採于遠郊。編戶牖其誰語，驚虎馬而自嘲。有似忠臣被謫而上下無交，若乃曠野淒迷，狂飈振盪，攢

百歲之髑髏招空山之魍魎吸薶露而倭遲履繁霜而懔
懔不濶絕以離羣終依傍于故壤有似墜子見逐而號號
無養至于枯槁蕉萃零亂飄搖雖扶之而不直孰倚之而
能驕首如飛而不沐心仍塞而無聊黃鵠獨宿于永夜牀
第不御于良宵有似怨婦被棄而黯然魂消况乎逐處轉
徙隨風橫斜寄孤蹤于異國望四海以無家噓生涯之斲
梗慨年歲之曩花聽饑鳥之哀響駭古戍之驚沙又似蕩
子忘返而淚落悲笳諄曰人生富貴草頭露百代光陰樹
上風或實或花大夏竹半生半死嶧陽桐微子何爲噓卜
商何以編我非張仲蔚爾雅且成篇

夜雨賸

簾鉤乍動知有風來屋瓦齊敲喜其雨至盆翻澎湃初覺
音繁絲密溟濛再聽響闔呼僮起眎但道飄零伸手遙摸
方信漸清遂乃披楮衣溫茅酒燒燭幢幢擊壺叩叩亂雲
似墨不見簷牙長潤如繩欲拴犬首垣上之昔耶何存庭
中之窶藪豈有遙憶監州解裏讀畫堂前疏簾隱約雜佩
端嬈夢回臂冷望遠眸穿琴弛絃而鼓韻爐蓄火以霏煙
豈知兩地同心靈犀一點雙環並結喜字重鐫但聞更籤
投石警鼓出譙方淋篠竹又滴芭蕉雞膠膠而不已鸛閣
閣以無聊鄭重魚書懷故人于天末摩挲鹿劍恨壯志之

煙消乃擊缶爲秦聲曰眎吾箏兮何在聽比舍之兒哓思
予僕兮嬰細中溼溼以怒傷誰致餉兮饌饌欲挑匕而飽
嘗聞訓侯兮哀躬仰棟極而芴皇遲明朝兮清晏看淤上
之花芳

春江賸

乾坤春滿日夜江流有聲拍岸大氣浮舟桃花浪暝竹箭
波逾楓青枉渚草碧芳洲何人見月有客登樓添一篙之
新水起萬古之舊愁當其煙霏霧斂日旭風清搖空穀璧
涵靜待輕渦心練淨渡口霞明蘭澤香馥菱花鏡平澹沲
雲影灑瀟魚聲何奔濤之足懼有淑氣以相迎則有春鉏

雙宿屬玉獨飛黃鵠窺影白鷗忘機鱗拋玉尺鱗響金徽
看梅柳之方渡喜蘆芽之正肥江流春而欲去春送江以
何歸于是西苑公子南國佳人乘青雀之舫泊綠楊之津
庖和五味酒醉三辰青琴奏曲絳樹含嚙情懽意娛乃擁
楫而歌曰春色兮明媚春江兮漣漪與君兮相誓解佩兮
何時又有煙波釣徒欵乃舟子竿拂珊瑚餌投魴鯉蹇陸
采蘭洗耳漱齒竹裏烹茶蘆中曳屣心曠神怡扣舷而歌
曰江上兮峯青江中兮月白錦浪兮浮家麴波兮泛宅焉
得四時兮如春不披蓑笠兮釣雪

春日游百花洲賦

窈窕曲徑寂歷芳洲樓臺聳亭榭清幽水緣隄而浪拍
樹拔地而枝樛長橋平於雁齒遠山聳乃龍頭信是題襟
之所遂爲岸幘之游時則苑風拂草暝日烘花鶯歌柳葉
燕啄芹芽魚尾跳而衝藻鷺拳立以團沙盼鷗波於四面
臨蟻垤之三又恰良辰與美景欲泛宅以浮家遠連孺子
之亭近接蘇公之圃蓋偃松高甲拙菜苦鶴影盤霄漁歌
出浦梁郡夏侯嚙之所脩北地李夢陽之所樹高隱書碑
思賢立主磨鏡何來畱金弗取得不追遺跡而眺望仰清
徽而慨撫回憶張澄建節之日水軍講筵之年朱旗殷地
金鼓震天鬪蒙衛之五百演犀首之三千辟胥平龍沙飛

舞燿燿乎鐵柱臺連今則絲煙漠漠宿莽萋萋岸叢葭葦
墻穴黽黽落花滿地兮無人掃敗壁堆塵兮少客題蜂蝶
欺人兮隨意鬧鶉鴝愁雨兮儘情唳翻興衰於舊事詎爛
踏夫香泥爲之歌曰春雨兮清埃春人兮偕來桃花兮春
女竹葉兮春杯明瑟兮水木高朗兮池臺且尋三邨之柳
暗以待九夏之蓮開

江上愁心賸

舟汎汎以裊景風謾謾而侵衣睇長天之寥廓悵故國之
睽違雁行斲兮哀響樹影斜兮夕暉何江流之迅速撫年
歲而歔歔但見山斂笑黛水咽恨聲薦逢浪墮魚逐網驚

桃櫻與土偶並泛枯查隨破醴相舂濤傾兮世路波譎兮
人情誰底柱兮回倒投寸膠以澄清回憶濯鱗太液翔步
蓬萊襲鑪煙而滿輿酌贊夏以盈杯謂可駕風破浪戲馬
登臺中流則簫鼓競奏兩岸則旌旗宏開奇相出貝闕而
來睽陽侯窺玉璧而却回何居宋莫江千徘徊浦溆蕉萃
形容迷離意緒看獨宿之鴛鴦駭孤縣之島嶼顚行噍之
逐臣同擊絮之貧女有不潭壑悲填風雲氣阻者乎歌曰
江風不息兮又吹塵江月何年兮初照人江月淦淦兮如
科髮江樹歷歷兮似短蘋舊愁苦與新愁積惹得愁心逐

轉輪

江行賦

登艫一望惟見遠樹含煙人家杳靄微聞雞大聲傳雲壓
舟兮羈地波吞月兮春天隔美人兮千里塊獨我兮誰憐
樓頭擲笛戍角吹螺隄高屋小渚曲鷗多喧闐回颿之鼓
悽咽收網之歌艫聲驚兮斲雁帆影觸兮潛鼉魚躍波兮
唼藻燕掠羽兮拋梭念舟子之獨苦披雨笠與煙蓑鄰船
黃橘前岸丹楓霜寒葦白霧溼蓼紅起漁燈之幾點照客
子之孤蓬淪茶正嬾把卷方忽忪惺一夢參橫在東乃扣
舷而吟曰浩蕩江流兮去不回雲中凍月兮入舸來空江
寂寞兮眠何早慨想乘風兮破浪才

喜雪賸

歲在丁亥之十二月大雪連旬客有過予寓者曰雪甚苦寒殆不可禁余曰快哉雪是乃可喜也客曰子久失官財匱居陋裘敝食麤瑟縮其狀梨凍其顏何喜雪之有余曰有是哉子之附熱也幸無怒試爲子賸之

不見始蓋蓋而脈脈兮又雜沓而浮浮漸增增而充積兮復裔裔以逗遛信陰氣之凝積兮實寒威之勁適散坳垤而皆滿兮覆臺榭以咸周豈不異朔風之剖面兮乃深喜大雪之盈頭其爲形也若依若違翦水花簇碾塵屑霏山橫長壁波洗碎璣瓊嵌樹幹綃假禽翬蝶翻粉落龍戰甲

僧瓠之史俾爾放步文林側肩學市薰之以麝味芸香洗之以廉泉讓水與鐵鏹以爲朋嚮墨莊而擇里伴十二之龍賓席百番之陟理然後以上清爲名中黃爲氏不其懿與真人則頽爾其容蹙乎其口而言曰審如此不若投我于溷冶我于鑪猶得冀遭逢于萬選復何忍降辱于腐儒也主人曰今使我以子而黃溷則糟丘有蘖窟室餘腥步兵哭痛吏部呼狂周顗之客愁爛脅丙吉之吏醉歐茵其茗芋之氣必將觸子孔方且使以子而縱博則梟雉迷離蹙融撲攫開府繞牀中郎守橐到壚去而賓朋咨嗟謝墅輸而妻子錯愕其貪狼之風又將敗子輪郭曷若以子銅

臭倚彼書香不假姍女之數不充滕王之囊聽鞠通而出
異響看脈望而發幽光居然泉府之上士何必沈家之小
郎真人聽未旣鵬然而喜曰夫以妾換馬曾人畜之不倫
以玉抵鵲復貴賤之難均今因書而舍我翻依有德之隣
以我而準書亦爲可因之親彼腰十萬而跨鶴或篋三百
而縣鶉誠豐嗇之殊致亦何怪乎鴻鈞君旣欲廣曹倉光
冊府窮乎今而稽乎古我亦願披洪志繙董誼尋其子而
索其母我幸得爲守書之尤君亦不陷守錢之虜世徒呼
君以汗牛君毋斥我爲阿堵

來鶴亭賸

鶴今杳矣亭尙依然亭無鶴而挂月鶴去亭而游煙幾時
桂棟數里芝田柱雙雙而拔地聲一一而上天遙遞闌
之外憑陵巖壑之前異鳥埃之記里類結埼之臨淵想夫
鶴之來也將翔不下欲集仍飛負霜夜冷警露朝晞隣威
鳳之覽德協冥鴻之知幾軒軒砂頂皎皎雪衣飲瀘水潔
食蕨山肥駐峯椒而梳翼去迷鳥以忘歸維時分置置縣
正界脩城緬仙禽之戾止乃準雉而經營千夫畚揭五夜
工程洲渚礮響譙樓角聲依盤旋之舊地起埤堦之高閣
吾聞大龜蟠徙駿馬奔馳都乃不潰邑因以基是哲人之
創造每隨物以遷移用能女墻禦隙水成池無庸施漆

誰令觸麋陋叱干之蒸土笑亾部之縣絲亭焉此建鶴爲
之徵軒窗爽豁高閣峻嶒延山入座引樹爲朋聽谿流之
戛瑟悅鳥語之裂繒控弦憶子飛錫來僧彈琴怨別破鼓
生憎窺千家之瓦雀羨萬里之雲鵬今則煙塗響茅風路
鈴清麗焦空蘇耽之爪鸞表渺令威之聲山脩眉而學畫
水引字以潛鳴桑麻雜乎雞犬臺榭叢夫橘橙得不憶九
臯而思清暎踞盤石而想千晴哉徒見蝸黏敗壁鷗跼空
梁簪耶抽髮卽炤浮光丹青駿落柴桷荒涼雲邊泉碧澗
外松蒼援弓繳而不得戀稻梁以何鄉倘重來之有日庶
餉我以霞觴

悼亡賸

室人李氏歸予十二載予宰江西永新偕兒女自關中來
任所越二歲予以前任欠道款褫職旋開復補瀘谿縣缺
戊子四月抵署九月送女至省于歸而病餘病棘而產男
男存而身亡時惟道光九年十一月初一日也追維曩昔
傷如之何因作是賸

風淒兮振戶雲黯兮封房明鏡兮日色空帷兮月光叫天
蘭兮失路尋地穴兮迷方嗟予葵兮棄往任愧獨兮傍徨
繫瀘谿之下國實瘴霧之荒域山阻塞而不融水寒涼而
難食乃腹疾兮河魚若含沙之射蜮冀藥石兮易療遂征

塵之輕冒攜嬌女以同行赴良人之嘉則泊舟抵于章門
爰施巾而結婚鍼耨未免于勞勩寢興漸厭其蹶煩曷咳
嗽之頻數竟胡隴之難言調薄粥以頤胃棄醇醪以卻尊
疑所居之有崇遷厥宇而高軒屆亥月之良夜誕厥子而
臨盆謂宿疴之漸去庶久視而長存何鴟梟之戾止集棟
極而狂嘯煮香粳兮不進瀹杏酪兮空提旣徵巫兮禱祀
復詣卜兮詳卜冀明神之益算庶白首以凍梨詎鬼伯兮
催促儼妖豎之排擠拊痠肩以哀咽目稚子而酸嘶念斯
人而有斯疾信乃天道之無知自歸兮我特室家兮攸宜
惠愛兮臧獲訓厲兮諸兒膳羞必潔衣服以時戒蕪飲之

成酒謂腐腸其難醫孰料强者之竟仆兮而弱者之猶支
憶丙歲之來南涉風濤于江潭舟延滯于湖口犯歊蒸而
不堪子歐吐而若噎女結瘕以如悛憂思因之無賴病體
于以深耽幸遘及于水暑樂永久之絮談忽溲瀆之爲患
駭驚波其出捨心冲冲而奔鹿神奄奄其臥蠶怪予刑之
過重勉予政以包含實相攸之內助竟怛化于頑痠已焉
哉祖洲枯草弱水淪膠誰貽潛石孰薦聖醪咽哽兮無縣
蛇之元化虛悸兮如鬥蟻之喧嘈長逝流水永謝柝桃期
相通于夢寐竟斷絕于絃纆霜寒隕葉漏盡聞簪權殯仁
祠安魄江臯隴樹千重兮鵬睨蜀山萬疊兮猿嘯淚成血

兮纓續膺難填兮首搔况復影子形孤心勦氣飢
星蟲牙比比類殘螭之食心乏飛魚之已痔雖靈光之猶
存實梧桐之半死思竹帛兮千秋悵鄉關之萬里徒銅墨
之是羈仍瓶罍之堪耻慟何日于青門偕靈輶于牛吐拊
在抱之呱呱悲何能以已已亂曰爾其籍諸天而歸真路
耶爾其宅淨域而赴上生耶或者斲累招而淪幽界耶抑
或療治左而枉折芳英耶衝焱一息兮求訣薤露崇朝兮
難擎泉路多阻夜臺不明漆吏不分其魍魎秦和莫辨于
膏肓凋違兮奄忽感切兮深盟緘組紉于笥篋想箕箒之
音聲所恨一爐香篆數尺銘旌憂端重疊屑涕縱橫尙何

爲兮假息媿太上之忘情

冬筍賤

以地始凍竹萌生爲韻

有玉版師挺生膏地含日成胎上番標致用能鼠齒擅奇
貓頭著異犢角高擎馬蹏低試要未若輪囷之玉蚪乘三
冬而鱗萃時則蒿麥芽纔射千茁始嶺破芳梅河潛錦鯉
持我長鑱聊尋甘旨鄴社林邊渭川苑裏雪甲抽青霜痕
折紫陵雲寸心蟄龍雙耳斲之滿筐擔來曉市爾其春韭
早過秋菘已空荒圃日寒小園雲凍驚天半之飛鸛嗽山
巔之朱鳳羨紫蓼與綠葵徙涎坐而舌弄惟似臂之斂筭
勝迷陽之蕨蕪一束金掬雙錢市閨宗薏刺入林欣逢王

圖則馳騎餽送可以比扶劣之膏可以配益智之糴可以
滌肥濁之腸可以破貪饒之夢則有太守清貧居士販鬻
乃汲巖泉乃撒鹽漉煎其汁而蜜出霜根登諸盤則香歆
暈目勝噉蔗之潛同異煮簞之不熟玉崔嵬而怯灶心金
瑣碎而含空腹飽南國之煙霞厭長安之酒肉以此禦冬
居然旨蓄即使食每無魚固已胸有成竹別有越路之蒟
蒻浦之萌或燒或煮亦腴亦清加以雕胡之飯佐以骨董
之羹飫以桃花之粥和以崖蜜之餠皎如蓮峯之玉屑冷
逼僊掌之金莖固宜望盤盂而手疾漱齒頰而香盈矣然
而龍蛇匿影虎豹銷聲風雷已閤霜雪交爭獨能班班玉

立戢戢角撐差差白鬪森森青縈簪抽乎玳瑁棚脫乎孩
嬰實仙蔬之上供非凡菜之媚睛傲南州之榮桂壯歲莫
而崢嶸恣老饕之大嚼噴滿案以縱橫則定安之經不過
釋其目贊寧之誼不過列其名而已

酒壺賸

余有錫酒壺如鼓形釘釘星羅中鑄草花魚鳥乃主講蘭
山書院時所置用之三十年矣文漸磨滅而余亦垂垂將
老對之有感遂賸之

憶自壯歲迄于今茲舟車靡息杯杓不離以澆壘塊以慰
孤羈或歌或哭有懷有思胸貯千古春來四時幾兩著履

一局消棋不如美酒樂也無疲韞韞之鼓是爲我壺朝焉
濁醪夕又清酤瀝餘妻妾波及僮奴禹神千鍾孔聖百觚
人閒郡在天上星無英雄末路壯士窮途瀝書可下唐韻
與俱時有嘉客亦愛狂呼流光何迅越三十年江山助興
風月隨緣爲儒不腐作更能仙慳囊脫底老屋積椽他鄉
風雨故國雲煙余亦老矣頭銜依然撫此壺也慷慨係之
草花蘼落魚鳥子遺葫蘆依樣鸚鵡爲徒光猶照鼎滑尙
凝脂彭亨腹大轟戰拳奇破除萬事淹殺三尸長爲我友
陋彼鴟夸系之贊曰我行能方而爾尙圓義山所惡果何
取焉龍窺氣壯虎怕神全三杯草聖一斗詩仙青山招我

白眼望天惟竹有樽惟銀有瓶坡公杜老念此惺惺醉鄉
日月麴國雷霆我不汝棄勝侂獨醒上帝醉夢錫爾遐齡

送君南浦賤

定南司馬賴銘齋同年引疾歸蜀適余在豫章侂此賤送
之南浦在沙井驛前

君胡爲兮遠行春晚晚兮淒清草涯碧兮嘶馬柳稚黃兮
嘯鷺江淼淼以東逝雁嚙嚙而北征君不聞兮將別余則
何以爲情戒榜人以遲發櫂倚岸之孤舟暫銜杯兮舊話
悵判袂兮新愁勸加飡兮健在挽夕日兮已過歌楚辭于
北渚唱商調于西洲惟餞送于南浦極萬古之沈憂故人

去矣余意茫然斯須執手感咽調絃雲映波而墮影風搖
樹而含煙蒲帆張而汎汎檣燕語以縣縣憶綢繆于曩昔
知後會以何年爾時驚藏浦葦鷗戲浦沙簾卷暮雨驚翔
落霞魚鱗鱗兮佐媵蠅閣閣兮和笳聽同馭之搥鼓舉將
離之野花倩寄箋于錦鯉折石上之疏麻涔陽何處樵舍
誰家望煙波之浩蕩惜年歲之韶華亂曰君往兮青神我
畱兮白社冀地縮于壺公期夢尋于宜櫟倘異日以相逢
庶中心之匪寫君不見萍散與蓬飄兮吾將占琰而卜瓦
不畏杜鵑之風濤兮劇愛芳芬之杜若

賁佞臙

天何爲而有箕舌附耳兮地何爲而有貪泉與淫樹人種
育此佞者兮膏脣舌而躡步聰察尙被熒聽兮又何怪昏
瞽之不寤彼觸龍趙梁之蠱桀兮忝大沙而死亭山雷開
左彊之順紂兮首縣太白以胡顏楚信用費無極兮太子
逐而伍氏罹患齊寵信子家噲兮三千鍾贖而售姦孰能
誅史里而沈欒激兮從直諫而如轉圜嗟爾佞人之閃榆
兮變亂黑白而迷陰陽訾鮑焦林類爲垢濁兮繩陳恒知
瑤爲賢良斥織離吉良爲鶩駘兮啞申椒荃蔭爲不香何
鮒入而鯢居兮孰能探鱗甲于肺腸昔夫子之告爲邦兮
思危殆而遠遘助擇友之求益兮毋招損而曜諷仲雍之

能仁兮耻受憎而舌卷季路之言學兮亦深惡其巧辯宋
朝雖衍其美顏兮不如祝鮀之易免信人情之喜佞兮甘
掖耳而受欺虛美薰心兮嚙漏脯以如飴實福爾塞兮旤
之來也溢楸惟工諛者容悅兮抑善媚者夸毗泯泯焚焚
而忍醜兮昭昭畧畧以持疑遷蘭而變鮑兮汚玉而染脂
曾母投杼兮顏叔涕壘繫余負性亢直兮屢招妒于凶德
昧括囊之无譽兮持清議以正色不圖蜴蜥之難避兮不
慮狐腳之仍匿爾其爲集樊之蠅兮爾其爲含沙之蜮成
縋非之貝錦兮孰則投于有北豈非昔日之面朋兮竟反
顏而肆毒懸腰無豐城之利劍兮拭同看梟聲之自食

述志贈

余何爲兮墨綬豈有翼于朱輪不抽簪而散髮尙整幘以
巫紳裝褻犯慮忝俗抗塵心蓬肘柳食蜺衣鶉無脂膏之
自潤孰與龜之爲親詎老馬之知路羨季鷹之嗜樽悵知
音之不遇羌載筆以書眞方其髫年鶚薦觴歲花攀文傳
黑水氣壓青山囊筆芸香之館褰裳玉筍之班朋聯鸞翼
師仰象環謂可翔步鳳沼摩肩龍關發揮乎

帝藻馳騁乎天閑孰意辭瀛洲而違蓬觀韜紉裘而佩組
綸哉熊谿瀟瀟玉屏崔崔地當驛路吏說仙才案無塵牘
圍積薜荔亦折腰而逐客旋挂笏以吟梅張罟大魚之浦

射鵰野雞之臺稽女嬪之舊事踏夜郎之荒堆慕尹珍之

波磔續山薑之手裁

作續野書八卷

可謂吏隱詎非象材叙官玉屏縣事

既而秋風動念冬月言歸洞庭浪闊商洛峯巍舟帆車鐸

雲落霜飛盼龍城之二闕拜鶴髮于雙闌承歡而薦菽水

娛志而舞萊衣聽松濤以款寺賸白燕以排扉

時東郊白燕見邀同

人爲白燕詩社暇尋張弓之跡時慕段陰之徽由漢魏而屆唐宋

自象緯而包躡翬用編五涼之記以配三古之晞

先予作三古人

苑至是作五涼舊聞維時情安林壑性耽丘墳茹蔬飲漿枕石眠雲

追蹤若士對影此君將自蔽于泥水庶或播于蘭芬鼎無

求于傳說纓何羨于終軍詩惟究于四際易又權乎一斤

凡執大小之數書分今古之文庶幾定大湫而逃空谷

閉而息勞筋

叙自玉屏告歸家居

乃親故之讎辭謂年暮之可惜

兩翼去而隱效蜘蛛二疏歸而賜餘金帛王儉爲黑頭之

公謝晦伯綠髻之伯或避世而逃名或乘時而奮翮焉可

膠執以煖光爲是沈淪以濡跡况無顏淵郭外之田諸葛

隆中之宅其何以潔羞膳于芳晨扇蠹蟲以求夕爾三鱸

之講舍展五經之文席乎

叙將赴選

遂乃驅薄策赴上都循告

近之例爲迎養之謨待銓人照需次期紆適河隄之報潰

荷彊吏之頒符民爲魚而旁宕澤集鴻而哀呼張戎縛竹

而贊韓牧延世塢流而彌王吳蛟龍受其約束薊屋藉以

泥塗狐父亭前之積潦已涸燕子樓外之原田未蕪叙府

奏赴李家樓
河工効用仰

皇恩之議叙飭部選以歷班絲牽若水綬綰屏山奉檄過

蓮嶠之嶽據寧上鹿頭之關慕文翁則金馬牕列欽荅侯

而木牛往還方覽雞坊與芴市乃瀕馬湖與龍灣今也內

地昔則荒蠻幅幘遼瀾黎庶姦頑叙選玉屏縣令抵任爰乃開門以

卹孤賸綫以弭盜懲胥吏之譎觚抑彊梁之鷙鷙造士而

蛾術斯興延師則涖脩以導拒胡瑗之經齋縣虞溥之學

誥由是莘莘焉濟濟焉家有夜鳴之絃野無朝冷之竈鷄

臯遠遜于鄰封麟鳳近游于垌隩時三公鄉有大鳥長丈餘集山上五采陸離土

人呼爲
鳳凰

民氣穆而年豐登士風淳而俗詠蹈詎經術之飾

治實庭訓之覆囑

叙在屏山任事

何期狐探虎穴鳩奪雝巢謀肺

肝以作膾填谿壑以難勺敵扑兮傾士孫之珠玉按牢兮

剝范叔之裋袍吞噬兮喻劉關之脣口畧擄兮效仲容之

劫鈔窮岷荆棘囊右漆膠遂令犬吠而鼯不生足牛買而

脆皆充庖生死鬱怒老幼喧呶

叙陳署令貪酷害民事

值余車之重

來欣覆盆之可戴投牒則涕壘叩頭則血漬攔輿伏階擗

膺擊背父魚腹兮沈河弟雉經兮縣帶妻仰藥兮腸焦子

觸膚兮顛碎何斯人之無辜竟陷穽者千輩咸欲毀室鳴

冤叩

閻泄憤臟裂吞梨心苦咽董得不聞之而髮衝冠見之而

齒擊吻平

叙余回任百姓控陳署令貪酷害民事

孰意蛇螫百足龜撐六眸

妖鳥吐霧毒蛇挺鉤欲制人而先發未審已以包羞工含

沙之射影侮威鳳以在笱

叙陳某詐贓事發先捏端誣稟事

于是剖肝爲

紙抽筋作囊條列十六人之戕命披陳廿五萬之貪饕細

疏過付之名氏發覺寄囑之備曹削四牘以上布盈萬言

而非叨大府見之而魄悸同寮聞之而心慄謂稔惡之大

慙未可免夫毆刀

叙揭參陳令詐贓斃命六百餘案事

詎料狐黨奮喪梟從

競鳴櫓杙反觸夫忠直窮奇欲噉夫真誠牴牾退而藏爪

鵠雛暗而息聲

叙黨助陳氏諸人

卒之天不右惡人徒慧謀手書

爲證密網自投與援雖多而咋舌賂賄以廣而埋頭我則

未卜三瓦彼乃善事五樓竟水落而石出亦雲散而日匿

城且論而僅褫繫帶枉矢射而莫殪鵠鵲豈非倖逃乎法

網實乃寬貸乎贅疣仲子惡廉而爭投瓦石子房善忍而

競致肴羞

當時謠語如此

非特立之有素焉遠慮以無憂

叙審結案後大

府以賍多罪重從輕辦理祇革職充從入

奏

今日者蟲沙已化燭火不然彼吠

雪之羣犬與攫肉之飢鷲各墮泥而摧羽亦捐骨而焚煙

飛衛不防甘蠅之嚙矢石勒未飽李陽之老拳或且疑發

難之自我或又訾忤罔之非賢豈知酖人之必非平叔放

鯉之定是偃蜎立身自有本末論事綜其經權何慮銷金

之口那脅病夏之肩沈寃止雪其一二隱隱仍漏夫百千
洗腥風于丹地覩白日之青天憶往事而隕涕援采毫以
授箋託小雅之諷刺作大夫之簡篇誰投書以訛予且飲
酒以學仙儻他年兮出仕可鑒此以自全